

世  
陽  
歸  
時



滋陽縣志



光緒戊子季  
嘉平月重鐫  
板藏尊經閣

重修滋陽縣志序

天下有一日之事有百年之事一日之事發於倉卒雷動颯馳不可以徐理也百年之事墮於漸積日銷月鏤不可以驟復也故一日之事宜急應之過急則勞百年之事宜緩圖之過緩則墜二者其勢不同理則均也乙卯仲秋余承乏滋陽邑固宛郡倚郭又南北之衝也適值江淮不靖征兵過境供張儲峙諸務麻集退則議城守議鄉團加以饑饉薦臻飛鴻滿野拯救勞來更皇皇焉日不暇給蓋數年來未敢即安

滋陽縣志

序

一

也乃一日者有邑之士大夫若而人踵門來告曰縣志自康熙十一年高邑李公重修後垂二百年矣補遺舉廢端賴後賢敢以請余曰居今日而爲此毋亦疑於急其所緩矣乎雖然方李公之修志也正當我朝開創之初又值三藩之變一切供軍轉餉殆有倍難於今日者乃李公不以輟其修志之舉而春官方且行下郡國俾各修志乘以儲外史之藏誠以雷動颯馳者一日之捨攘日銷月鏤者百年之文獻不欲急以而緩此也今茲又烏可以已於是博訪羣諏遐稽

旁證又得鄉先生蘇椀園學博舊輯志稿五十大册  
爬羅剔抉規撫弼備會余謝病解組仍滯魯門爰進  
士大夫而語之曰事不謀始不興不圖終不成官可  
罷志不可罷也昔溫公居洛恒以書局自隨顧余譾  
劣萬不敢僭比名賢區區之私竊有慕焉乃走謁黃  
石琴中丞於汶南里第欲借椽筆以光汗簡中丞幸  
不鄙余之迂愚慨允所請而諸君子亦日有孳孳  
勉從事凡五帙月新志成書釐分十有二卷裝成四  
册將付剞劂余例得有言是役也經始於多事之時  
滋陽縣志

序

二

告成於去官之後皆可以已而不已者也然以二百  
年墜緒一旦門分目列展卷瞭如固足徵中丞才力  
之大諸君子蒐討之勤後之覽者亦應鑒及余之苦  
心也夫

咸豐九年歲次己未七月既望荔波莫熾以南甫撰  
於少陵臺畔之小憩軒

序

丁巳季冬余方杜門卻軌侍養家居適莫以南明府  
楚然足音惠臨空谷談次以重修滋陽縣志屬爲編  
錄余謝不敢當旣念滋陽爲吾宛郡倚郭界甯陽僅  
五十里元時曾省併爲一地邇人狎於此邦文獻不  
得云概未有聞也又何敢固辭竊觀自古郡縣之志  
有專志山川名勝者有專志歲時風土者有專志先  
賢耆舊者若乃綜疆域之分合制度之沿革民生之  
休戚吏治之得失與夫山川名勝歲時風土名賢耆

滋陽縣志

序

一

舊耆萃貫串彙成巨帙此則唐宋以來所罕有自前  
明迄乎本朝而始粲然大備蓋駸駸乎具正史之體  
而微故居今而修志誠亦未易言也大抵志有四陋  
古今遼邈地一名殊分割不明牽溷百出一陋也依  
傍名流動思攀附遷地弗良偷光可恥二陋也悞信  
傳聞滋之傳會不根瞽說殆類齊東三陋也摭拾瑣  
屑綱目紊棼當略而詳宜詳轉略四陋也至若是非  
淆於毀譽取舍決乎愛憎逞已見而失其平徇人情  
而寡所執則流俗之通病更不待言也余曩嘗欲修

甯陽志今復從事於滋陽搦管兢兢未嘗不以數者  
爲戒第苦藏書無多不足以資博識而鄉隅株守又  
未免固陋寡聞所賴明府提挈於前諸君子推挽於  
後而余亦磨礪朽鈍竭數月之力爬羅補綴猶得成  
書事增於前文省於舊自慚舛鄙不文聊藉手以塞  
明府之責而答諸君子之勤一切編錄大指具詳凡  
例並散見各條下茲第敘其緣起云爾

咸豐九年歲在己未中秋後三日甯陽黃恩彤石琴  
自序於知止堂中

續修滋陽縣志序

余守魯之十有五年畿輔李君兆霖來宰滋陽滋爲附郭邑甫下車卽以修志請余曰志與史相表裏而體微異史有本紀有志有表有傳而志則統之周禮職方之掌並設小史外史掌邦國四方之志此郡縣志所由名我

朝康熙壬子

詔各省修通志進呈彙爲

大清一統志其時若郡若州若縣無不纂輯成書蓋滋陽續志

序

一

必羣州縣志成而後郡志有所採擇各郡志成而後省志有所採擇各省通志成而後一統志有所採擇是故縣志者一統志之權輿其閒人果有俾風化事或有關政體文可以資掌故關人心世道史館採之以入正史故曰志與史相表裏也李君曰諾是時甯邑黃小琴曲邑蔣蕉林兩觀察先後歸田延入志局分司纂輯逾年書成問序於余余閱其前後序知邑志初修於前明嘉靖續修於我

朝康熙乾隆間邑人蘇梔園恐一邑文獻愈久愈淹凡

故家遺俗流風善政私自採摭稿藏於家咸豐末前  
邑令莫君熾慨舊志殘缺取蘇稿爲藍本毅然以修  
志爲己任而取裁於前中丞甯邑黃公書成未梓今  
又三十年矣縣非令罔治令非志罔稽鑑古可以證  
今彰往可以察來此三十年中豈無名宦鄉賢忠孝  
貞義節烈足爲邑乘光者語曰前事之不忘後事之  
可師宜李君之汲汲於是而又得黃蔣兩觀察發潛  
闡幽膺表彰之任余喜李君爲政知所先務一邑二  
百餘年之文獻從此得傳於後而余樂觀其成也書

滋陽續志

序

二

之以告後之賢宰光緒十二年歲次丙戌正月吉日  
知兗州府事長白伊勒通阿謹序

續修滋陽縣志序

傳有云應天以實不以文治民亦然若誌書非其文乎然亦有實存焉忠孝節義碩德畸行爲人心風化攸關何容聽其泯沒至於山川疆域歷代沿革以及賦役兵刑學校農田諸大政攷稽未精動滋差謬司民者所當循名核實引爲先務者也余早年勵學壯歲從戎以功授新城令乙酉秋改授滋陽甫下車求所以治民之術索邑乘而觀之僅得數十頁文甚簡陋且漫漶幾不可識蓋修自康熙初年迄今二百餘

滋陽續志

序

一

歲矣文獻久湮缺焉未備何以資考徵而裨實政乎既而訪諸都人士知前邑侯莫公以南與邑紳鄭君同谷於咸豐年間曾開館重修時總纂者爲甯邑黃石琴中丞稿成未梓尚藏諸鄭氏迺因公過訪取而閱之通才卓識史筆精嚴攜歸呈之府道各憲僉曰大府方留心掌故整飭風俗亟應付諸剞劂以憑詳報獨是廿年來宜有續增且兵燹之後當其阨者或臨難捐軀或罵賊殉節指不勝屈類多可傳惟兼筆者難乎其繼耳適聞甯邑黃小琴曲邑蔣蕉林兩觀

察解組歸田詞館樞垣夙推巨手因介鄭君竭誠延請幸蒙不棄允爲續編遂卜日開館重延紳耆廣爲採訪隨得隨錄胥送兩觀察鑒定仍依前書體例分卷增入不閱月而志成豈非繼事者易爲功乎凡前編與此次所載忠孝節義未經旌獎者擬卽彙開申詳題請庶爲表宅里以厚人心風俗也夫後之守斯土者當以此志爲輔治之具勿徒作文字觀則文與實未始不相資而成也是爲序

時

滋陽續志

序

二

光緒十一年歲次乙酉同知銜候補直隸州前新城縣知縣調補滋陽縣知縣古中山李兆霖序

續修滋陽縣志序

余自同治甲戌筮仕山東十有餘年矣東觀大海西登秦岱探萊山之幽勝泛繡水之清奇凡山川之鍾毓人物之英華皆足以益神智而拓胸襟至於鄒魯之遺風洙泗之雅化每以未得親履其境爲憾光緒戊子夏五月奉檄宰斯邑甫下車見民風樸厚士習純良始欣然於古所謂重禮教崇信義者良不誣也是歲十月之望縣試初竣 陳燕堂諸君以縣志囑余校正並乞一言以弁其端夫縣志者豈徒驗星躔

滋陽續志

序

一

誌版圖與夫古蹟之奇藝文之美云爾哉將以挹賢聖之心源考士林之行誼某也忠某也孝某也節義一寓目而卽銘於心有以激發其志氣庶幾芹藻從公之化可以復覩豈不懿歟余末學淺陋何足以仰贊高深然本實心以任實事其兢兢於礪節砥名以與 諸君子相勸勉者又當何如也是爲序

光緒十四年戊子冬至前三日同知銜知滋陽縣事  
浚儀周衍恩序

續修滋陽縣志序

咸豐己未 先大夫曾以莫以南明府之請重修滋陽縣志五帙月而成書釐分十有二卷藍本於李公舊志取材於蘇君遺稿廣搜博採別類分門而復折衷於正史以及省府各官書下逮諸家文集事增於前文省於舊於此邦文獻蓋已十得八九焉乃脫稿未經付梓而莫公引疾去官繼以風鶴頻驚煙塵瀕洞稿藏邑紳鄭氏幾經兵燹未付凶暴一燼亦云幸矣光緒乙酉秋李雲生明府來宰是邑下車未數月

滋陽續志

序

一

百廢具舉聞志稿尚存無恙亟欲取付手民惟是已未至今又經廿餘年矣自庚申以迄丁卯髮捻連番北竄戎馬縱橫干戈滿目其間義氓毅士烈嬭貞媛當其阨者或臨敵捐軀或罵賊殉節絕頸斷脰至死靡悔可驚可愕可泣可歌之事筆不勝書不有續輯何以信今而傳後哉且此廿餘年中官師之除授選舉之登錄政治之因革風俗之轉移皆湏一一載諸簡編更以前書之成幾經歲月耆儒髦彥或昔存而今亡亮節高風或前隱而後顯設非踵而增之亦未

免有缺如之憾於時蔣蕉林觀察解組家居明府乃  
造廬而請延主筆削并屬余襄事其閒如余譎陋奚  
足任此惟念前書稿存未刊實爲先大夫未竟之  
志且余舊史官也討論掌故闡發幽光亦分內事何  
敢以不文辭勉事操觚惟於前書體例恪遵謹守庶  
免隕越云爾光緒十二年歲在柔兆閏茂中秋上浣  
甯陽黃師閭謹序

續修滋陽縣志序

滋陽爲古檀國地後屬於魯自漢以來皆名瑕邱土壤肥饒民情渾樸崑山峙其西北泗水繞其東南河岱分靈代生賢哲聖門顏子而後如漢之朱雲唐之顏真卿宋卿其最著者也俗尚禮義自古已稱忠孝節烈之風至於今勿替蓋聖賢之遺澤孔長矣縣舊有志修於前明繼修於我

朝康熙間歷歲既久殘缺滋多李君兆霖來宰斯邑懼文獻之就湮也爰設志局延隣邑黃小琴蔣蕉林兩滋陽續志  
序  
一  
觀察司其事諮訪遺聞搜羅散帙增補而纂輯之得若干卷書旣成適余奉

命分巡斯土因以序請余維邑之有志猶國之有史其中所載凡時代之沿革山川之形勝疆域之廣陝以及風土人情物產田賦洪綱細目罔不備陳宰治者必於此而考之乃知其得失之所存而後有所觀法又沉顯微闡幽表揚貞烈尤有司之責任所宜急講者則志之所繫顧不重哉自康熙來二百餘年守令更易不知凡幾鮮有議及此者李君獨能知所先務實

事求是毅然有以振興之而是邑之故家遺俗流風善政遂因之以不墜斯亦迥殊乎俗吏之所爲者矣後之覽是編者苟能知所取法善爲之繼勉附於循吏之林俾士習民風蒸蒸日上以仰副我

國家教澤之隆而上溯淵源於洙泗則固李君之所厚望而亦余之所爲惓惓也夫是爲序光緒十二年歲次丙戌秋八月分巡兗沂曹濟兵備使者桂林秦鏞簡敘於兗郡道署

初修姓氏

督修

兗州府知府 蔡廷輔 字翼聖奉天人舉人

兗州府通判 施 號 字文樞烏程人貢生

主修

滋陽縣知縣 李 濬 字禹門高邑人舉人

協修

前 嶧縣知縣 仲宏道 字開一桐鄉人選貢

校修

滋陽縣志

姓氏

滋陽縣教諭 朱秦交 泰安州人舉人

滋陽縣丞 張文欽 字日鑄山陰人吏員

採修

生員張元治 尹相湯 羅承祖 高 楓 吳既翕

韓正陽 張 卓 羅 籍 蔣士瑗 趙志權

翟萬程 李 棟 田厥茂 繆大紳 劉朝宗

范 楷 高紹光 蕭 珽 王國憲 王佐才

監刻

滋陽縣典史 平永輝

重修滋陽縣志姓氏

主修

同知銜前滋陽縣知縣

莫熾甲辰進士

協修

甘肅平慶涇道前京畿道監察御史工科給事中

張庭樺丙戌進士

同知銜候選知縣

鄭橡己酉貢

升用府江西鄱陽縣知縣

鄭毓本丙午舉人

同知銜河南固始縣知縣

張庭瑜丙子優貢

總纂

滋陽縣志

姓氏

前兵部侍郎都察院右副都御史廣東巡撫

黃恩彤丙戌進士

分纂

廩

貢

生

劉培顯

大挑二等卽選教諭

劉德華己未舉人

諸城縣教諭

李枝秀癸卯舉人

總校

同知銜江西廣昌縣知縣

袁汝虔乙丑進士

直隸獲鹿縣知縣

甘崇敬戊寅舉人

福山縣教諭

劉尙琪丁酉舉人